

SARS le SAICA ba saena MOU ho thusa bokgoni ba mmokelli enwa wa lekgetho

Tshwane 06 Phupu 2021 – Khomishenara wa Ditshebeletso tsa Lekgetho tsa Afrika Borwa (SARS), Mong. Edward Kieswetter, mmoho le Mohlanka ya ka Sehloohong (CEO) wa South African Institute of Chartered Accountants (SAICA), Mong. Freeman Nomvalo, ba dumellane ho theha bolekanane bo tlang ho tswela bobedi molemo ka ho aha bokgoni ba SARS.

Jwalo ka karolo ya motjha wa ona wa ho netefatsa hore e na le boitsebelo bo hlokehang ho phethahatsa thomo ya yona, SARS e kopile SAICA ho e thusa ho hohela ditsebi tsa lekgetho tse nang le boiphihlelo ba tsa forensiki ho thusa ho tlisa bokgoni ka hara mokgatlo ka ho tla ka mehlodi e ka hara ditho tsa *SAICA Chartered Accountancy*.

Tshebedisano ena e tla thusa SARS ho fihella tseko e teng ya boitsebelo dikarolong tse kang Oditi e Ikgethang, Phethiso ya Theko, Kgoholeho ya Motheo le ho Fetiswa ha Diphaello, Ikonomi e seng molaong mmoho le Yuniti ya Batho ba Ruileng Haholo. Ho latela Memorandamo wa Kutlwisisano (MOU), SAICA e tla thusa SARS ho hlwaya le ho hohela talente ho latela boiphihlelo, mangolo a thuto mmoho le ditabatabelo tsa mosebetsi dikarolong tse latelang:

1. Barupellwa: Baithuti ba phethetseng dikgrata tsa bona tsa dithuto tsa yunivesithi tsa pele le tsa ka mora ho moo mme ba lakatsa ho rupellwa ho ba le mangolo a kang CAs(SA) le SARS;
2. Ba sa tswa fumana mangolo a bona: Diprofeshenale tse sa ntseng di le ntjha tse sa tswa fumana mangolo a tsona a CAs(SA) mme ba na le kgahleho ho tsa lekgetho le ditabeng tse tshwanang ba tla fumana monyetla ho qala mosebetsi wa bona le mmokelli ona wa lekgetho;
3. Ba nang le boiphihlelo: Diprofeshenale tsa CAs(SA) tse nang le boiphihlelo bo ikgethang ho tsa lekgetho le ditabeng tse tshwanang ba tla fumana monyetla ho etella pele/ho thusa dihlopha le tsa diphuputso mona SARS.

SAICA e tla sebetsa le SARS ho phahamisa menyetla e fapaneng ya mosebetsi mona SARS dithong tsa yona le ho thusa mekutu ya ntlafatso ya bokgoni ya SARS nakong eo e ntseng e leka

ho aha boemo ba bokgoni ka tshebediso ya mmokelli wa lekgetho ya sebetsang ka ho phethahala. Hodima moo, SAICA e ikemiseditse ho ntshetsa pele ditho tsa yona ka ho tla ka menyetla e tswelang ya seprofeshenale.

Bakeng sa dipotso tsa bophatlalatsi ba ditaba, ka kopo ikopanye le:

SARS' Media Contact: Anton Fisher at SARSMedia@sars.gov.za, or

SAICA's Media Contact: Karin Jacobsen at karinj@saica.co.za.